



# Lescha santeri

## Revisiun parziala



### **M E S S A D I**

dalla suprastonza communal a al cussegl da vischnaunca

Preziau signur president  
Preziadas signuras cusseglieras  
Preziai signurs cussegliers

La davosa revisiun parziala dalla lescha santeri e dil regulativ da taxas tier la lescha santeri datescha digl onn 2011. La pli gronda ed essenziala midada dils davos onns ei la pussevkladad da satrar dapi igl atun 2015 ella fossa communabla urnas ni era mo la tschendra. Quei ei il motiv principal d'ina ulteriura revisiun parziala dallas legislaziuns pil santeri.

## Survesta dallas midadas

Da niev figurescha la fossa communabla sut artechel 11. Quei ha per consequenza ch'ìls artechels sequents sestauschan per in.

art. 4	Obligaziun da satrar	Igl artechel vegn ord motivs dall'applicaziun midaus, aschia che la direcziun communal sa sut lit. c decider e buca sco tochen dacheu la suprastonza communal.
art. 7	Prestaziuns dalla vischnaunca	Sut la nova lit. e vegn descret la prestaziun dalla vischnaunca concernent la fossa communabla.
art. 9	Fossas	Da niev vegn sut lit. 4 la fossa communabla enumerada.
art. 11	Fossa communabla <i>niev</i>	Quei niev artechel descriva igl andament dalla nova fossa communabla. El senn d'egualitad duein tuts defuncts satrai ella fossa communabla vegnir enscrets sillas tablas da crap. Il spazi disponibel tonscha per 60 fossas/inscripziuns.
art. 14	Urnas <i>niev</i>	Niev ei alinea 4. Quell'amplificaziun vegn descretta pervia dallas experientschas fatgas ed ils giavischs ofniai ils davos onns.
art. 19	Inscripziun <i>niev</i>	Niev ei la tierza alinea che regla l'inscripziun dalla fossa communabla.

Sebasond sin art. 8 dalla lescha santeri ha la suprastonza communal preparau l'adattaziun dil regulativ da taxas tier la lescha santeri. En artechel 1 ein las taxas vegnid as augmentadas pils cuosts dall'inscripziun ed en artechel 2, lit. e ei descret ch'ìls cuosts per l'inscripziun unificada pils defuncts satrai ella fossa communabla seigien cunteni ella taxa pauscha.

## Proposta

Sebasond sin sura consideraziuns

### propo na

la suprastonza communal al cussegl da vischnaunca:

- d'aprobar la revisiun parziala dalla lescha santeri;
- da suttametter quei conclus conform ad art. 21, lit. b dalla constituiun communal a referendum facultativ.

Suprastonza communal Disentis/Mustér  
Il president:

  
Francestg Cajacob

Il canzlist:

  
Andri Hendry

Disentis/Mustér, ils 31 d'october 2016